

31 IULIE
RUGĂCIUNEA 3
SF. IERARH-MĂRTURISITOR
VASILE PREOBRAJENSKI,
EPISCOPUL KINEȘEMSKULUI
Молитва священноисповеднику
Василию, епископу Кинешемскому

О, предобре пастырю и славне исповедниче Христов Василие! Вемы, яко ты в житии заступал еси обидимых, милосердовал еси о страждущих, всем требующим помощи обреташеся место в пространном сердце твоём. Паче же чистою молитвою стяжал еси Духа Божия, Иже освятил и умножил есть всякую добродетель твою. Сего ради мы недостойнии надежду несумненную возложихом на твое заступление, милосердие и любовь. Се бо, грехом нашим умножившимся, скорбьми якоже тучами обложихомся, и несть заступающего или помогающего, яко и благодати Божией лишаеми есмы душевныя ради нечистоты. Услыши, отче, призывающих тя, не презри к тебе вопиющих, заступи прибегающих под твой молитвенный кров. И якоже евангельское уяснив слово, сие чудными проповедал еси образы, тако и ныне светом теплых молитв твоих разсей мрак греховный страстей наших и возгрей

спасительное сеяние Христова на Руси Святей,
да умножится плод благовестия церковного.

Умоли Господа, святе Василие, да и мы,
избежавше козней диавольских, во смирении
духа мужественне тесный евангельский путь
жития прешедше, мирныя христианския
кончины сподобимся и тако достигнем
блаженныя вечности на вожделенном пире
Царствия Божия, идеже вкупе с тобою и
собратиями твоими, славными новомученики и
исповедники, во веки воспоем Бога, во Святей
Троице славимаго Отца и Сына и Святаго Духа.
Аминь

